

梅里志

〔清〕

楊謙纂
李富孫補輯
余櫟續補

據華東師範大學圖書館藏清
光緒三年刻本影印原書版框
高一九四毫米寬二六四毫米

梅里志

梅里志序

卷一

嘉慶改元先大夫閣學公自栢蒼移守嘉禾時余甫弱冠隨侍郡署先大夫下車卽興除利病振文教樂造就郡之人士一時執業門下者衆如錢恬齋朱某堂丁小鶴李薌沚諸君子皆最被知賞余因得與相交契薌沚家長水之梅里往來酬接尤數值今 宮保制府師儀徵阮公視學兩浙按試禾郡詢梅里朱竹垞檢討曝書亭遺構已久傾燕與先大夫商謀重建因各捐廉規址庀材屬先大夫飭度其事次年亭成公偕先大夫親至梅里以落之余亦嘗過訪其亭所謂菱池槐沂南垞北垞者舊蹟尚存裴回久之猶可想當日風雅之勝概焉余旋供職戶曹歷詞垣先大夫在任纂修郡志某堂薌沚竝與分纂之役梅里曩有楊未孩始創志藁尚是粗就而未

加釐定其時略爲掇載郡志惜未有能竟其業者今余奉

命宣藩蒞浙適鄞泚補輯梅里志甫成將授梓請敘於余余惟梅里始開於石晉至明中葉而漸盛民物殷阜俗尚淳樸已成一巨鎮其掇科第而仕宦者皆有以政績聞於時

國初人文薈萃海內稱詩者咸推朱檢討李徵士兩家而王言遠居青上沈山子諸人復

梅里志序

三

相應和故百餘年來其流風遺韻至今弗替不可無紀載以資考鏡鄞泚爲徵士之後頗畱心鄉邦文獻是志復得續爲掇采以補其闕而里之風土民情人物掌故耳聞目見舉凡古今事勢之異察然具著於編藏若一都邑之勝吾知上諸輜軒他日有重修郡省志乘者可據此以爲徵攷而亦見我朝治化之盛有不限於方隅壤土如此爾

道光五年七月既望

欽命浙江承宣布政使司布政使隨帶軍功加一級長白繼昌撰

梅里志序

三

梅里志自序

去嘉興城南三十餘里里曰梅會市曰王店長水環其外硤石大小橫山爰史諸阜亘其南有水自西而東沿洄三里曰梅谿繞谿南北闐闐煙火不下數千百家其間人材輩出政事文章彬彬極盛擬諸通邑大都焉而園林第宅浮屠考之之宮參錯郊野間者廢興不一攷信無從余竊憾之康熙初杜宗伯遇徐里人也王尙書阮亭送其南歸詩云亦欲投簪東海去便從梅里問幽棲金榮箋註則曰陸廣微吳地記仲雍卒葬梅里注又名番麗今橫山惠棟訓纂則曰路史國名紀梅里在蓋閭城北五十里輿地志吳築城梅里平虛卽此

梅里志原序

引證之繆由未見至元嘉禾志耳而吾里之好事者乃謂里中之響鈴墳卽仲雍墓悠繆之談余尤懼焉年來客桐谿課讀之暇不揆禱昧輒箋鄉先輩朱太史竹垞詩凡見載籍中有單辭隻字涉吾里者亟爲鈔撮暫歸里門卽往荒墟古刹遇有殘碑斷碣手錄以歸會稭之分四十門合十二卷名曰梅里志蓋稿屢脫而發凡亦幾經更定矣聞朱太史昔曾欲輯里志未果後屬門下顧松壑且語與蓮西共成之卒亦未就今距太史歿又六十餘載其遺文不知散軼幾許而故老亦畧盡矣余不敏敢自附作者之林惟是鄉里文獻見遺於志乘者不忍視其湮沒亦詩人桑梓敬恭之義也世之覽者

尙其諒余之心而匡余所不逮是則余之厚幸也夫

乾隆三十有八年歲在昭陽大荒落元月中澣四十二間廊

廣客楊謙書

梅里志原序

二

補輯梅里志序

嘉慶庚申郡守伊小尹師以郡志久未纂修延邑人士共事編輯余與楊子文樸同預分纂之役時設局於鴛湖講院朝夕商榷得悉其尊先人未孩先生纂有梅里志因請借觀一過規模粗就尙未卒業嗣後星離雨散不復相聚甲戌余客莫釐聞文樸在桐谿病逝卽寓書於其弟文漁以是書有闕里中故實勿任其散佚文漁卽檢篋見寄屬爲踵成之伯兄引樹曾加校訂余頻年羈旅四方亦未暇及此今歲暫息塵鞅杜門里居始得披校是書分門實三十有六曰鄉村所列皆去里三五里以外曰里諺僅載五六條不足以分目曰耆

梅里志補序

碩曰壽母所載殊猥瑣曰碑刻曰校讐碑刻祇數種校讐亦無甚關於稽攷今竝爲刪并山水一門載大小橫山及硤石東西山然一屬海鹽一屬杭郡之海昌地志皆以疆域爲限斷未可借材於他境故邑志俱不載今亦刪之其餘悉仍舊目而增坊表祠宇至遺聞軼事尙有未經接采及三四十年来之人物咸爲補輯庶幾先生未竟之志得藉以成蓋梅里雖僻小而文獻之盛不遜於通都大邑然則異日上諸史館及有修郡邑志者亦足據此以爲徵信焉爾

嘉慶二十五年歲在上章靴徐相月同里後學李富孫述

續修梅里志序

里志創議於竹垞老人纂修於楊氏未孩增輯於李氏薌沚相去各數十年迄今又數十年矣中經衰亂梨棗剝蝕薌沚子蒼兩思補刊之而未果也夫修志難鄉僻之區視都會爲尤難兵燹之餘視承平爲尤難通都大邑人物蔚起徵文考獻網羅易集而不然者病於孤矣兵革不興間井晏然耆舊傳聞流爲故實而不然者患於湮矣里處郡邑之南穀布交易士多寓公復經髮逆騷擾園亭街巷慨焉滄桑余先後涉足凡三十年舊時遊釣之所談讌之侶已幾幾乎不可復識矣今年春郡尊許雪門太守興修府志檄駐里沈小槎貳尹

李富孫述

籌捐經費遂邀毛雲達沈伯淵李小康李硯雲並王鑄言陳聯卿兩同年及嘯松舍弟相與轉勸時舍弟輯梅里殉難錄甫竣因多方采輯以續成之卽請郡局撥貲以付剗刷雖不敢謂竟無遺漏而不得謂非有意紹述者余適歸自南海風雪歲暮庭鮮履綦爲之校閱一過並誌數語以列簡端時光緒二年冬十二月

賜進士出身翰林院庶吉士余弼謹撰

補輯梅里志凡例

一原志序云分四十門然自治草至詩話實僅三十六門今刪去鄉邨里諺耆碩壽母校讐以先達易仕宦太學易雜選地贈恩蔭并爲封廕而加增坊表祠宇蠲恤凡三十二門

一原志科第有表薦辟明經雜選均未列表今並依科第爲表以歸一例

一原志一人有兩見如蔣薰既入先達復入孝義范路入孝義又入隱逸朱茂曙顧仲清既入文苑又入藝術李宗仁既入孝義又入文苑皆與史體不合今並爲刪併

梅里志凡例

一原志尙未卒業每門亦無小序兼有采錄他書隨手補綴不免冗複舛錯今悉刪正以就簡覈

一先生卒於乾隆乙巳迄今已三十餘年凡事在乙巳以後者皆爲補入并許燦梅里詩輯春風錄及伊府志司馬志等書亦並輯補

一原志各傳於每人著作未能一例盡載今並刪去統見於著述門以省繁複補輯各傳亦同

一里中爲人文之數其有列傳不能盡載則以其詩文等集備載於著述門亦可畧見其梗概以藉爲闡揚云

一余生既晚又自壯歲遠游故老俱已凋謝里中遺聞軼事

未能盡悉今增輯此書賴諸同志共商訂之

梅里志凡例

梅里志目錄

卷一

沿革

疆域

山水

卷二

古蹟

坊巷
附表 橋梁

卷三

寺觀

卷四

寺觀

卷五

寺觀

祠宇

卷六

園亭

第宅

卷七

墓域
附義冢

蠲卹

物產

風俗

卷八

科第

薦辟

明經

雜選

封蔭

卷九

仕宦

孝義

卷十

梅里志目錄

文苑

隱逸

卷十一

藝術

釋道

流寓

卷十二

節烈

卷十三

節烈

卷十四

節烈

閩秀

卷十五

著述

卷十六

著述

碑刻

卷十七

舊聞


卷十八

詩話

梅里志目錄


梅里全圖

梅里全圖



梅里志 目錄 梅里全圖

梅里全圖



梅里在縣南三十六里舊邑志稱一方都會南界海昌境十里東界海鹽境五里西北界秀水境十里西南界桐鄉境十里北界新塘橋十里廣袤約二十里四隅以此為限而支河橋梁竝藉以表識焉

吳大張修為

梅里志卷第一

里人楊謙纂 李富孫補輯 余林續補

李保宸參校

沿革

補梅里秦漢屬由拳吳爲嘉興唐時隸蘇州至錢武肅王置嘉興鎮設鎮遏使一人時王遠居此爲王店鎮之始宋初以嘉興隸浙西路明吳元年屬直隸洪武間改隸浙江而梅里之稱以達環植梅花因名焉

梅里在嘉興縣南三十六里大彭嘉會二都之間市曰王店爲古揚州域周屬吳南境及越滅吳地歸越周末楚威王取

梅里志卷一 沿革

越地屬楚秦始皇二十五年置長水縣屬會稽郡東巡掘江長水徙今治改名由拳二世元年項氏據爲西楚地漢高祖三年立兄賈爲荆王地屬之十一年賈誅復立會稽郡十二年封賈子濞爲吳王地屬吳吳廢復隸會稽東漢永建四年分浙西爲吳郡屬吳三國吳大帝黃武四年割山陰海鹽二縣地爲鹽官縣黃龍三年由拳野穀生改爲禾輿因以紀年赤烏五年避太子禾諱改禾輿爲嘉興梁太清二年嘉興隸吳州隋文帝開皇九年罷吳州改吳郡爲蘇州陸錢塘爲杭州廢嘉興入錢塘屬杭州唐武德七年復置嘉興屬蘇州八年嘉興又廢唐太宗貞觀元年復嘉興縣仍屬蘇州隸江南

道大歷五年陞嘉興爲望縣十四年改隸浙江後唐莊宗同光二年吳越王陞嘉興爲開元府蘇州爲中吳府置嘉興鎮明宗長興二年文穆王罷開元府復屬中吳晉烈祖天福四年以嘉興爲秀州另立嘉興縣宋太宗淳化三年隸浙西路政和七年改秀州爲嘉禾郡宣和三年復改爲州寧宗慶元元年陞嘉興府元至正十四年陞爲嘉興路元末爲張士誠所據明太祖吳元年改路爲府屬直隸逮洪武十四年十一月始以嘉興府改隸浙江宣德四年析嘉興置秀水嘉善兩縣而梅里仍屬嘉興

梅里志卷一 沿革

皇朝因之百年以來休養生息物阜民康爲縣南一巨鎮焉

梅會里在大彭嘉會二鄉間石晉時鎮遏使王遠之居也

植梅百畝聚貨市易今稱梅谿亦曰王店

至元嘉禾志

大彭鄉管里四曰朱塔力林陳浦梅會嘉會鄉管里四曰

曹輿梅會朱巷張滿

同上

大彭鄉治南十里舊里四朱塢力林陳浦梅會今十六都

里五十七都里十一十八都西南區里十二西北區里十

嘉會都治南二十里舊里四曹輿梅會朱巷張滿今十八

都東區里一十五十九都西區里十一二十都里十

圖記

大彭之都大河一支河一圩二十一嘉會之都大河一支

河一十七圩三十六同上

王店鎮在縣南三十六里嘉興府志

王店鎮有工部尚書王達者世居大彭都官灘里自達構

屋於梅谿聚貨貿易因名王店嘉興府志

王店鎮王達之武肅王時為嘉興鎮遏使仕至尚書後居

梅水百晦皆梅花至今稱為梅里嘉興縣志

武肅王置嘉興鎮即今之王店鎮同上

嘉興南有馬塘堰又南有王店明史

一曰王塾梅李詩繫

一曰王鎮梅品烹禪師語錄

梅里志卷一 沿革

王

宋將仕郎九二公善懋遷遂成市稱王店誌陰隲書中王

人行

補梅里自王尚書達後簪纓相繼日漸殷庶遂成巨鎮詩

春風錄

予年十七避兵練浦歲已丑崔待四起廼移家梅會里里

在大彭嘉會二都之間市名王店或曰石晉時鎮遏使達

居此故名或曰宋尚書居三之宅或曰元學士景家於是

或曰元學正綸也傳聞各異己亥十月訪蔣布衣之翹於

射襄城蔣語予曰子知王店之所由名乎洪武中孝廉鏞

及弟鈞之所居也因出其所輯梅李詩乘則二王詩俱在

焉併出二王合刊詩稿舊本共一冊燈下讀未竟客至轟

飲而罷後見水竹居詩一卷中載二王詩各一首因亟錄

之梅會一作梅滙水曰梅谿鏞詩所云吾家舊在梅谿上

是也梁孟敬石門集有題嘉興王氏梅花莊詩未審即是

二王所居否因錄鏞詩附誌於此宋樊尊靜志居詩話

予將謀隱梅里五月十九日梅里為盜所劫因寄山顏錫

魯山子青士諸子詩闌闌難久居仁里素所慕一水繞通

渠雙峯橫古路禽尚宛然在直為高世度桑竹霽成鄰漁

釣不知暮賊徒來何方飛鱸忽屯聚煌煌白日明焚劫怖

童孺豈恃招撫仁將謀進身具警急近城南繼此足深慮

梅里志卷一 沿革

四

吾方營一技盡室伴鷗鷺鬢髮變為霜他鄉那如故日擊

恐懼頻買山匪細務廼知遭亂人流坎兩無據先哲戒求

安達生等萍寓曹溶靜惕堂集

疆域

補里在大彭嘉會二都之閒長水東爲大彭都西則嘉會都也亦曰梅滙廣袤二十里許市僅三里爲嘉興四鎮之一云

東主曹王廟十四里

曹王廟在縣東南四十里宋元時鄉人崇奉最謹有碑殘毀惟云唐天寶間里人王友文捨宅新建有殿廡五楹樓每歲三月鄉人市女燒香者萬計

柳志

曹王祠不知所自始故老相傳云曹武惠王彬平江南不妄殺邦人感而祠之明萬厯間重修按曹彬下江南昔人

梅里志卷一 疆域

五

有辨其未嘗至吾嘉者況王姓舍宅已在唐天寶間宜作

曹信父子爲是

何志

補明成化壬辰嘉興府知府楊繼宗題曹王廟七律一首

萬厯辛巳當湖曹煒次韻三首勒石尙存殿後一室乾隆

壬辰羽士萃凝屬楊君謙分書題曰小蓬壺

春風錄

許恂如曹王廟詩報祈循吏合蒸嘗矯祝多男笑瓣香但

解兒曹提印好不知誣卻濟陽王

何志

沈宗良詩燕梢畫舫盪斜暉知是曹王廟裏歸拍按歌聲

猶緩緩鳥銜花片故飛飛

鄉音

蔣薰游曹王廟詩畱得江南十里春曹王廟外踏青頻醉

翁買個酒仙伴遊女生憎泥美人廟中兩廡下醵酒仙泥美人諸士偶畱素堂集譚吉璉和鴛鴦湖權歌碧瓦珠光火一丸綠楊絲掛綵旛乾泥孩縱說廊延好不及曹王廟上看

朱譚合刻

東北至石佛寺二十里

寶一作保聖石佛院在嘉興縣東南唐至德二年於寺基掘

得石佛四軀至今見存天聖中賜名寶聖人但呼石佛寺

開窗括異志

西南至屠甸寺二十里

屠甸鎮舊屠甸村在千金鄉去縣東南二十餘里商賈買

易亞於他鎮

桐鄉縣志

梅里志卷一 疆域

六

西北至濮院鎮二十里

濮院鎮在梧桐鄉元有右族濮氏居焉流水環繞土沃宜

桑云卽古橋李墟也有范蠡塢洗足灘胭脂滙濮元帥別

業在焉

趙圖記

濮院鎮元濮鑑爲寧遠將軍有八宅此其一也

橋李詩繫

濮院鎮在古橋李地梧桐鄉去縣東北二十里宋建炎二

年著作郎濮雲翔從高宗南渡卜居此地元大德間名永

樂市濮氏構屋開街召民貿易鎮遂因以名東連秀水南

界嘉興萬家煙火民多織作綢絹爲生爲都省商賈往來

之會而風俗淳茂書聲達戶前朝楊述爲開國解元楊青

爲開邑甲科俱產其地宋景濂諸先生嘗摘濮川八景繪圖賦詩以誌其美洵人文之淵藪也

桐鄉縣志

南至硤石鎮二十里

唐置硤石鎮鎮西爲紫微山與鎮東東山相峙因曰硤石亦名雙峯天目分流正出其中卽谷水也

趙圖記

山水

〔補〕吾邑百里無山里南十里許有爰史二山已半屬桐鄉正南十五里有大小橫山屬武原更南三里硤石東西兩山則屬海昌而長水發源天目經硤石東北流二十里至海漚更北流四十里入於淞湖其間川澤縈紆襟帶左右通達遠近皆有支派可別焉

爰山在里西南九里嘉會都千金圩半屬桐鄉

爰山在縣西南五十七里高二丈周回七里攷證昔道士

爰基隱居學道於此後尸解焉因以名

嘉禾志

〔補〕爰山之西麓爲桐鄉縣境

方輿紀要

貝瓊游爰山記庚戌春清明陳君仲謀約子游爰山天雨不果行今年春三月丁酉天氣澄穆予與仲謀幸無事撓廼促治酒肉飲食以帥陳熊陳魯兩生泊子子期山大谿北折而東度陌越阡至爰山之趾居人四五家皆棘樊荆扉雞犬相應髮髯桃源中而里之巨族卜氏有家在山半冢後得支徑而上高下嵯峨萬株環合無路俛首松下僂儂行而雲氣相蕩不啻魚泳波濤中山回路盡有石巖然壁立者卽爰道人尸解處其巔有小石突怒土中類蓬筍者有盤互類木走長根者方飲酒大醉昏然欲睡皆踞石而坐松風謾謾吹人衣耳目爲醒已而復東其塗漸夷有

公主墓云宋孝宗女葬於此又行至東山則所謂史山者
視父山稍昇上建神官祠人至而禱者前後相屬予亦倦
而休焉因觀祠旁古井井深二仞而泉瑩可鑑疑仙者洗
藥於此或云山僧盤石以濟三伏之渴者人獲汲以飲焉
山之勝殆盡於是矣日暮下山路益峭或有雞子石磊磊
至不容足而山陽王氏巨竹千挺參天以非好事者不得
造其所近山又有三湖青渟黛蓄與天一色錦鳬往來可
畫從者艤舟以待翺與二生皆登舟仲謀從予徒行歸清

江集

朱葵尊父山題壁予避地梅會距父山一十三里居未定

梅里志卷一 山水

九

南至於端州西北窮乎雪剡東放琅玕茲山在戶牖之外
歷四十九載未之游焉歲在丁丑九月九日期譚十一給
事兄踐登高之約舍舟而陸杖藜偕行山高僅二丈逶迤
七百步上有銅棺冢道士父基尸解葬焉遺井尙存傳是
基所鑿也石皆赭土人伐以繚垣歲既久山失其半惟一
僧舍獨存拓北窗灌木一林葉未黃落寺僧操新粟以進
猶帶芒蝟取其實嘗之味若巖桂之始花然當元之季貝
助教瓊來居千金之圩暇與比隣諸子燕飲於是其後入
爲史官分教中都胃子恒思此樂之不易得見諸吟詠今
給事暨予已脫朝簿歸田敝車小舫縱吾意所如而莫爲

之限且天假以年老而不學分寸之陰皆可惜盡不各載
書卷畱寓茲山相與辨析古今疑義別其是非用示後學
此亦事機不可失者也給事曰弟之言然廼分書於寺壁
下山 暴書亭集

父山在府城西南五十七里舊屬嘉興今析屬桐鄉縣東
南三十五里千金鄉昔有道士父基尸解於此惟存巾篋
葬之號銅棺冢山有兩峯東峯號史山明初貝清江朱以
貞結父山詩社後郭觀察舜舉吳洪雅公治西林僧公朗
輩繼其盛云又有洗藥井藏兵塢潮音院顯靈廟係宋時
祀三衢周孝子封顯靈王者慈烏泉喝石岳陶宏景真誥

梅里志卷一 山水

十

云嘉興父季真於宋景和元年得晉楊許三真手蹟於剡
縣馬氏以呈廢帝又陶隱君弟子題名有嘉興父與祖 李

詩繫

洗藥井在父山卽父仙煉丹所 禾錄

父仙石在山左赤沙泉與父仙石近 爾素堂集

潮音院在父山 禾錄

藏兵塢在父山山形如蛇中有斷處時見陰雲光怪相傳

爲古覆兵處 桐鄉縣志

顯靈廟在父山寶慶元年建益三衢孝子周姓子而成神
者也宋封周顯靈王禱者甚衆 同上

明國子助教貝瓊宅在爰山後今作菴禾錄

銅棺塚在爰山爰基成道其弟子以巾篋葬於山按漢陽羨袁玘有道術卒後風雨失柩夜聞荆山有人喊聲鄉民往視則棺已成塚因呼銅棺塚言非人力也茲塚其卽此義與同上

史山在爰山之東上有神官祠下有公主墓鳧冠渡

史山卽爰山東峯高十餘丈前有貝瓊宅并來青堂桐鄉縣志

山東峯神祠旁有古井泉瑩可鑑名山記

宋孝宗公主墓在爰山東紹興二十四年封碩人進永嘉郡主三十二年卒詔以醫官李師克等付吏訊治時孝宗

梅里志卷一 山水

尙在東宮奏臣女幼而多病不宜罪醫遂寢乾道二年贈嘉國公主葬於此禾錄

爰史兩山間有公主墓元末貝瓊詩云佩環何日歸公主

泉下銅棺闕千古是也康熙癸亥喧傳石裂銅棺見桐鄉令何公禁止不發蔣丹崖薰作銅棺辭曰宋朝公主闕銅

棺五百年來灰土寒青草塚憐何大令佩環歸否出人間桐溪聞見錄

史山有葛洪丹井雷素堂集

來青堂在爰史兩山間元陸景遠居此桐鄉縣志

上庭遊史山詩言從山後路九折到禪扉過日汗流背迎

風沙入衣帝花來鳥獨采藥問人稀零落存丹井尋仙意未違

梅谿卽里中市河縣巨三里長水之支派也乾隆壬午閏五月里人公捐開濬

梅谿在縣南四十里柳志

梅谿治南四十里谿旁村落多樹梅故名吳志

余近移家長水之梅谿爰山在其西橫山在其南皆可望

見暴書亭集

〔補〕長水自南來至慶豐橋支流折而東爲市河卽梅花谿當時人煙未聚谿兩岸皆梅花故得此稱今民居稠密夾

梅里志卷一 山水

岸無隙地矣谿又東十餘里至橫涇會於海鹽塘春風錄

楊雍建欲往梅谿不果詩梅谿還憶昔游時滿壁松風落

酒卮三徑雲生苦石冷四花香送夕陽遲幾回夢遶禪宮月無柰空吟逆旅詩何日扁舟尋故侶重登小閣望東籬

清詩初集

繆涿村居襍詠長水南塘路向西西谿東畔是梅谿乘舟

慣出梅谿市曲岸藤花咫尺迷符谿詩集

朱彝尊鴛鴦湖權歌谿上梅花舍後開市南新酒釀新醅

尋山近有爰基宅看雪遙登顧況臺暴書亭集

長水塘在里之西發源天目南自硤川北注南湖方輿紀要南湖一名

湖 計六十里秦時所鑿

秦置長水縣於谷口湖後改由拳塘仍名長水

吳地記

長水塘在縣南六里通硤石案舊志載吳錄地里曰吳王

時此地本名長水故嘉興亦曰長水秦始皇東游至長水

間土人謠曰水市出天子從此過見人乘舟交易應其謠

遂改爲由拳縣塘今仍舊云

柳志

長水塘縣南三里水自海寧諸山貫硤石東北流五十里

入嘉興縣境合於鴛鴦湖

何志

補長水自硤石北流二十里至王店鎮

在王店南數里已入縣境

又北流十里至新塘橋稍迤東北流十里至馬王塘橋分東西

梅里志卷一 山水

三

二支其正支出大馬王塘橋東北流經秀水橋入鴛鴦湖

其旁支出小馬王塘橋西北流會九里港入秀水縣界之

姚家蕩

嘉興縣志

祝守範長水道中詩風雨孤颿路政餘望中秋色滿蒹葭

身驚久病渥同幻鬢看新愁雪漸加巨浪晝行聯佑舶寒

澄夜宿傍人家幽懷暫向湖頭放準擬佳期對月華

非非集

朱德培長水詞妾恨遠人遠安知長水長輕帆無處泊只

恐到斜陽

西園刻

王庭長水雨歸詩渾覺行來重冥冥宿霧中牽愁終是雨

破夢不開風野色連沙鳥秋聲入岸蟲蒹葭搖落後相泣

客塗窮

秋閑草

又長水道中惜雙雙令詞一歲定須來幾度來未久還須

歸去最怪經過處風風雨雨長塘路此身常似無家住嗟

老矣奔波猶故羨繫匏難做人只爲浮萍誤

秋閑詞

周質長水道中詩晴煙初日迴移權自青谿綠樹回看合

青峯望卻低波浮紛藻荇沙浴亂鳬鷺坐聽漁歌發悠悠

裴島西

采山堂集

徐在同鹿堂泛舟長水翫雪詩螭蝗塘畔小沙船素練明

河積雪天露出一痕青點處始知樹在破村邊

演谿詩

朱熹尊長水曉行詩月暗千重樹風微一葉舟殘星高太

梅里志卷一 山水

古

白重露滴牽牛菽乳新漿熟魚標小市收不知葭莢岸吠

蛤爾何求

暴書亭集

又鴛鴦湖權歌長水風荷葉葉香斜塘慣宿野鴛鴦郎舟

愛向斜塘妾意終憐長水長

同上

查慎行二月十六夜自長水塘乘月放舟二鼓抵嘉興城

下作兩岸隴隴桃李花一天風露屬漁家小船臥聽權歌

去行到鴛湖月未斜

敬業堂集

潘耒過長水訪朱竹垞閱其藏書同過天香菴看梅尋繆

天自李斯年周文石諸故舊詩將爲汗漫游取別膠漆友

小別動經年那能違分手我已懸旌不可畱君言停橈且

少休子非壯年我頭白豈可相過如浮鷗感君此意如一
口闕君藏書富無匹列櫝芸籤盡秘本連牀蹠紙多鈔筆
隻字搜來劫火餘兼金購自故家出一櫝已堪壓鄴架三
篋定可補石室今年積寒勒江梅絕奇上已逢梅開野巷
疎籬十數樹娟娟香雪黏蒼苔此鄉故友多零落繆李猶
存欣豐饒浮沈不異九秋萍出處何如一邱貉古南禪伯
今則無牧雲和尚米市詩翁不可作文石之人生良晤非偶然
不惜明燈照深酌吾曹自有千秋期莫嗟衰晚愁鬢絲旂
常鐘鼎非吾事著書藏山猶未遲我方躡屨登匡廬君亦
浮舟游武夷歸來各攜赤文綠玉字要補上世石鼓銅槃

梅里志卷一 山水

圭

辭遂初堂集

顧猷幽棲詩四十爲漁長水西汀蘭沙鳥共幽棲雨餘籬
落經蛛網風靜檐牙上燕泥欲醉且圖元亮酒長貧一任
少陵妻苦磯倦倚還持釣莫管柴門日色低桃花里集
楊爲裴長水夜泛作涼宵初散雨溟濛橋李城南泛短篷
幾處漁燈分遠近一灣蟾影半朦朧渚蘆漾水堆秋雪塞
雁驚寒過朔風茶竈筆牀饒韻事祇憐不與故人同石齋詩鈔
谷水在里西卽長水也

陸機詩云髣髴谷水陽眷戀崑山陰蓋此渠足以分震澤
松江之水南入於海也後世省湮廢人不復知其名嘗質

於老儒謂松江東流聚爲小湖西北接白鯢馬騰谷瑁四
湖所謂谷湖者卽谷水之舊蹟也又南接三泖下接海鹽
之蘆漚浦行二百餘里南至於浙江疑此卽谷水故道吳
國經緯紀 補水經注太湖東注爲松江一江東南行七
十里入小湖自湖東南出爲谷水東南逕嘉興縣城西又
東南逕鹽官縣故城南山爲潞浦以通海案鄭注谷水出
小湖吳郡國經說正同後人以長水爲谷水與故道不合
谷水在縣南四十五里舊經云古戰場夾谷口秦長水縣
治所在吳記谷中有故山拳縣卽柴辟亭柳志
場爲裴谷水攷舊經云古戰場夾谷口秦長水縣治夾谷
卽今硤石也硤石本一山始皇以山出王氣鑿分爲兩水
流其中今兩山夾峙東曰沈山西曰紫微山皆古橋李地

梅里志卷一 山水

圭

水經云谷水出吳小湖逕由拳縣故城下由拳秦時長水
縣也始皇時淪沒爲谷因曰長水城水曰谷水也梁元帝
元覽賦云時渡谷口之陽尙想嘉禾之方則谷水非爲吾
禾之水哉總之自源而言曰上谷卽今硤石山之上谷湖
又曰星湖谷水所出在此自流而言曰長谷自上谷至由
拳縣滙諸水始大曰谷口又東南逕鹽官縣故城出爲潞
浦以通巨海皆谷水之支派也今長水城之迹雖湮沒不
可攷然舊謂谷水在餘杭者固非吳地記謂入華亭縣者
亦非石齋文鈔 補司志水經注所載谷水原委本自分
境之長水卽古谷水湯志云谷水在縣南四十五里古戰
場口秦長水縣然云自硤石襟帶吾禾以至於泖通謂之

各水此特就後世水道言之未可據此以論古谷水舊志
皆附會以求合於水經之說其在縣境無故道可考初志
亦不能確指也

許尙谷水詩短櫂經由處風披藻荇香中宵孤鶴唳片月

印滄浪

嘉禾志

吳謙牧谷水歌雲峯九十九蒼翠滿山松借問清秋月先

懸第幾峯我登湖上樓湖上秋風發蕩搖湖水光欲墮

雲中月

明詩

朱葵尊駕驚湖櫂歌谷水出來出小湖渚城辟塞總春蕪

戰場吳楚看猶在折戟沙中定有無

暴書亭集

橫港在里南七里

梅里志卷一 山水

七

貝瓊橫港詩南行入橫港茅屋帶林邱落日猶斜照寒潮

忽倒流牛羊平野散鵝鴨小谿浮喜見平生友籬邊一繫

舟

清江集

徐在橫港晚渡詩長林一片夕陽收晚渡浮橋亦勝游野

艇橫谿風打雁山雲宿岸月停鷗笑無竹院留僧榻帶得

農書正麥秋老圃偶來叉手問半通名姓愛清流

演谿詩

練浦在里東九里世傳吳王練兵之所又名練塘其浦水名

螺青

補練浦西通長水東接橫塘其北流入長水處曰斜塘俗

名斜尖又有一螺青浦水名

暴書亭集

六萬軍港

六萬軍港在長水塘二十里舊傳曹操追叛軍六萬至此
斬之長水盡赤瘞盈甲於此而去里人驚懼立壇以鎮號

六萬軍塔今廢

吳志

補六萬軍塔在長水塘南二十里

嘉興縣志

桃鄉在司馬坊詩人李符居此王石谷輩爲寫桃鄉圖併題
卷末有結隣偕隱之語時藍謝青深亦有卜隣之約

朱葵尊題李符行腳圖詩桃鄉一望水投藍擬結隣居共

釣潭休信碧雞狂道士閒拋老屋在花南

補李符司馬坊新居詩擬築茅茨面碧谿桃鄉深處把耕

梅里志卷一 山水

八

犁結廬入境非吾願掃地焚香只暫棲

香草居集 案先生詩桃鄉當渾指

谿上幽僻處擬將卜築於此非即司馬坊

蓮花洋在里南馬噏

小桃源在里南高橋

補小桃源在平橋西雖去市未遠而村徑迂僻人跡罕至

桃花千樹映帶溪流居宇無多且就傾圯而結構越俗非

胸有邱壑人不能昔李畊客先生築舍桃鄉見諸吟詠西

峻先生送之入都亦曰旅枕歸夢濃定憶桃鄉犁吾里今

無所謂桃鄉者殆即此也

春風錄

補東谿在里東五里而近梅谿之水西匯橫谿之水東邁地